

SCIPIONIS
GENTILIS

IVRISCOS.

DE

Coniurationibus


Libri Duo.

Ad Christianiss.

HENRICVM III.

Francorum Regem.

Cum INDICE locupletissimo.



HANOVIAE,

Typis Wecheliani, apud Claudium
Marnium, & hæredes Joan. Aubrii.


M. DCII.

CHRISTIANISSIMO
HENRICO III.
FRANCORVM ET
NAVARRÆ REGI.



BT voluntate mea, REX, & præstantium hominum, Maiestati tuæ deditissimorum, cōsilio adductus, librum hūc meum de Coniurationibus, tuo inscriptum nomini, ad te mitto. Argumentum ipsum palam vocabat ad Reges: nominatim ad te Regem, non solum maximum, sed virtute & rebus gestis omnium clarissimum. Hæc, non alia, ratio instituti mei fuit. Nec veritus sum, si hunc librum tibi dicarem, ne vel scholastici hominis atque ignoti despiceres literatiū munus, vel tractatione offendereris eius rei, quæ vna timenda summæ fortunæ. Nā illud non est clementiæ tuæ, qua nulla in te virtus admirabilior est aut gratior, neq; hoc roboris & fortitudinis, qua vincis omnes. Deorum immortalium simillimi essent Principes, si nullis eiusmodi aut non maioribus, quam privati, curis occupationibusque attinerentur: vt sapiēti illi Liuiæ

i



Impp. A R C A D I V S
& H O N O R I V S
Augusti

E V T Y C H I A N O P R A E F E -
C T O P R A E T .

I. QVISQVIS CVM MILITIBVS, VEL
PRIVATIS, VEL BARBARIS SCELE-
STAM INIERIT FACTIONEM, AVT FA-
CTIONIS IPSIVS SVSCEPERIT SACRA-
MENTVM, VEL DEDERIT,

II. DE NECE ETIAM VIRORVM
ILLVSTRIVM, QVI CONSILIIIS, ET CON-
SISTORIO NOSTRO INTERVNT, SE-
NATORVM ETIAM (NAM ET IPSI
PARS CORPORIS NOSTRI SVNT) VEL
CVIVSLIBET POSTREMO, QVI NOBIS
MILITAT, COGITAVERIT: (EADEM E-
NIM SEVERITATE VOLVNTATEM SCE-
LERIS, QVA EFFECTVM PVNIRI IV-
RA VOLVERVNT) IPSE QVIDEM, VT-
POTE MAIESTATIS REVS, GLADIO FE-
RIATVR, BONIS EIVS OMNIBVS FISCO
NOSTRO ADDICTIS.

SCIP. GENTI-
LIS IVRISCONS.
Commentarius

Ad superiorem Constitutionem.

ARGVMENTVM.

CRIMEN læsę Maiestatis, siue, vt ve-
teres loquebãtur, imminutæ sum-
mum & maximũ esse, inter omnes
conuenit. Sed eius criminis cum
varia sint genera, omnium grauif-
simum atque atrocissimum genus
est Perduellio. Id Vlpianus ita definit, cum quis
hostili animo aduersus Rempublicam vel Princi-
pem animatus est l. vlt. D. ad Leg. Iul. maiest. Ad
hoc genus pertinet proprie hæc constitutio. Est
enim de Cõiurationibus, vt omnia eius verba de-
monstrant, quam rem summum ipsius Perduel-
lionis caput, maximeq; horribile cõstat esse: cum
ad interitum Reipublicę rectã feratur. Hoc igitur
crimẽ hæc constitutio vindicat vel prima, vel ad-
curatissime omnium. neque enim vllam antea le-
gem extitisse memini, quæ ita specialiter de hoc
solo genere, atque ita diligenter cauerit. Solam
Principis vitam atq; incolumitatem hæc consti-
tutio tuetur, tum eorum, quos membra ac partes
sui corporis Principes appellant, consiliariorum